

## 星州都氏本貫沿革

星州按三國遺事以星山伽倻爲六伽倻之一疑新羅取之寘本彼縣也景德王改名新安爲星山郡後改爲碧珍郡○麗太祖二十三年更爲京山府景宗六年降爲廣平郡成宗十四年稱岱州都團鍊使顯宗三年廢團鍊使九年改知京山府事忠烈王二十一年陞爲興安都護府三十四年又陞爲星州牧忠宣王之二年降爲京山府李朝因之太宗朝安御胎于府之祖谷山陞爲牧

八莒本新羅八莒縣一名仁里別號七谷景德王改名八里屬壽昌郡今大邱府南十三里屬顯壽城高麗復稱八居轉而爲莒顯宗時屬京山府即今星州西距七十二里李朝仁朝築架山城一名箕城在東北三十里置鎮因別設爲七谷取縣別號之都護

府治在內城

漆谷

漆或作七本八莒縣之別號也諸宗先世譜牒事蹟皆曰其後來居七谷郡云而郡名未知何時所稱

八莒基地記實

世傳都氏舊居有路上路下之說

路上即大邱派先代世居之地今漆谷府鄉校基址也一自移避贊成公禍變以後亦連代守護矣崇禎十三年庚辰府別設時爲士林所請已許之路下即星州

派先代世居云而今其處未詳的知

本貫考證

八莒古星州屬縣而析爲七谷府故其後子孫分居八路者以莒星漆互相用貫矣今以舊隸邑號爲定仍以星州爲貫蓋東方都姓無異貫府院君諱陳受封後子孫因貫焉